

TUGASAN 1: AUDIT HIJAU DI SEKOLAH

Beginilah caranya:

Kawasan dalam rumah	4R 2C	Tandakan jika "Ya"
Kantin	Kertas tisu yang tidak digunakan	<input type="checkbox"/>
	Sisa dapur seperti kulit buah dan helaian sayur yang dikompos	<input type="checkbox"/>
	Minyak masak terutamanya yang digunakan untuk mengoreng secara berhemat	<input type="checkbox"/>
	Chlorox, peluntur dan pemutih yang tidak digunakan	<input type="checkbox"/>
	Tin aluminium dan kotak tetrapak yang dikutip dalam tong kitar semula di sekolah	<input type="checkbox"/>
Tandas	Tisu tandas	<input type="checkbox"/>
	Chlorox, peluntur dan pemutih yang tidak digunakan	<input type="checkbox"/>
	Produk yang mengandungi asid untuk menanggalkan kotoran pada dinding dan lantai yang tidak digunakan	<input type="checkbox"/>
Kebun	Baja kimia ditegah	<input type="checkbox"/>
	Baja organik atau kompos digunakan	<input type="checkbox"/>
	Sisa kebun dikompos	<input type="checkbox"/>
	Tiada herbisid	<input type="checkbox"/>
	Tiada pestisid	<input type="checkbox"/>
	Tiada racun rumpai	<input type="checkbox"/>
Bilik darjah dan pejabat	Bateri lama dikumpul dan dihantar kepada pengitar semula	<input type="checkbox"/>
	Komputer lama dan mesin cetak di kitar semula	<input type="checkbox"/>
	Perabot yang rosak (meja dan kerusi) dibaiki atau dikitar semula	<input type="checkbox"/>
	Kertas dicetak di kedua-dua belah muka surat sebelum di kitar semula	<input type="checkbox"/>
	"Cartridge" mesin cetak di kitar semula	<input type="checkbox"/>

Jika anda menanda “Ya” pada lebih dari 10 barang dalam senarai, anda dan sekolah anda sememangnya sedang menolong untuk menyelamatkan alam sekitar.

Anda boleh teruskan usaha dengan menganjurkan pertandingan di sekolah untuk melihat kelas yang paling banyak mengitar semula atau mengadakan festival kitar semula dengan komuniti dalam dan luar sekolah.

Jika sekolah anda tidak menjayakan aktiviti mesra alam seperti tersenarai dalam senarai, berbincang dengan pengetua dan mulakan dengan satu atau dua aktiviti kecil seperti dalam senarai dan tambah senarai secara beransur-ansur.

TUGASAN 2: KITAR SEMULA BERSAMA KOMUNITI

Beginilah caranya:

- 1) Dengan kerjasama Persatuan Residen atau sekolah, bangunkan sebuah pusat kitar semula komuniti di sekolah atau di dewan serbaguna kawasan perumahan anda.
- 2) Kenalpastikan satu hujung minggu sebulan untuk pengumpulan.
- 3) Pusat Kitar Semula harus boleh menerima pelbagai jenis sampah seperti;
 - Tong pengumpulan untuk bateri dan telefon bimbit lama
 - Tong pengumpulan bagi mentol lampu lama dan lampu pendarfluor
 - Tong pengumpulan bagi peralatan elektrik lama seperti TV, komputer, pemain DVD, dan sebagainya
 - Tong pengumpulan bagi perabot lama, mainan, buku, pakaian dan lain-lain
- 4) Sebarkan risalah digital dan nota kepada rumah-rumah untuk memaklumkan penduduk di sana mengenai Pusat Kitar Semula Komuniti baru. Buat sendiri papan pengumuman projek untuk dilekatkan di sepanjang kawasan perumahan untuk lebih publisiti.
- 5) Jadi rakan kongsi dengan organisasi untuk menjual barangan kitar semula/barangan usang yang dikumpul kepada mereka.

Pilihan 1 : Salah satu langkah seterusnya setelah Pusat Kitar Semula Komuniti telah mengumpul barangan kitar semula adalah untuk mengadakan jualan campur aduk untuk menjual barangan yang boleh diguna semula/dikitar semula.

Pilihan 2 : Anda boleh menghantar barangan kitar semula anda ke kaunter pengumpulan yang berhampiran.



TUGASAN 3: AKAUN BANK KITAR SEMULA

Beginilah
caranya:

Buka satu Akaun Bank Kitar Semula di sekolah anda di bawah Program Renjer Smart. Apabila anda sudah mendaftar, setiap pelajar di sekolah anda akan menerima sebuah buku akaun bank kecil yang akan ditandatangani dan disahkan oleh pengetua sekolah.

Buku kecil tersebut akan menjadi rekod kepada jumlah sampah yang anda hantar untuk dikitar semula dan wang yang akan dibayar untuk barangan kitar semula mengikut beratnya dalam kilogram. Ini akan disahkan dan dicop oleh guru anda yang bertanggungjawab untuk Program SMART Ranger.

Apabila barangan kitar semula dijual ke vendor, guru akan merujuk kepada buku akaun bank kecil dan bayar balik wang yang perlu dibayar mengikut nilai barangan kitar semula, dalam berat, yang anda telah berikan dahulu.

Syarat-syarat dan peraturan Akaun Bank Kitar Semula

- Buku kecil akaun bank tersebut tidak boleh dipindah milik ke orang lain.
- Semua urusan niaga harus dibuat oleh pemegang akaun dan bukan wakilnya.
- Bank tidak akan bertanggungjawab atas apa jua kehilangan atau kerugian yang disebabkan oleh kecuaiannya pemegang akaun di mana orang lain telah mengeluarkan wang akaun dengan bukunya.
- Pemegang akaun mesti melaporkan secara bertulis kehilangan atau kemusnahan buku bank kepada Guru Program Smart.
- Jika buku bank rosak atau koyak, ia akan digantikan dengan buku baru dengan yuran RM3 untuk kali pertama dan RM6 bagi kali kedua serta penggantian berikutnya.
- Kita akan memberi anda harga yang berpatutan, tetapi apa jua peningkatan atau penurunan dalam harga barangan kitar semula tidak boleh dirunding.

